

Beste kliënte,

“O koud is die windjie en skraal
en bleek in die doflië en kaal”

So lui Eugene Marais se Winternag.

Maar die Winter hou ook vele bekorings in, van skouspelagtige
sonsondergange, tot om snoesig voor die kaggel met ‘n glasië
Muskadel te ontspan.

Ons almal beplan tot ‘n meerdere of mindere mate vir die Winter.
Jy maak seker dat jy genoeg warm klere het, vervang dit wat
afgedra en te klein is en koop ‘n helder rooi serp om jou knus
te hou.

Dit bring my by die onderwerp van die kwartaal se nuusbriëf – jy
moet beplan vir ‘n noodgeval wat so onverwags soos ‘n dief in
die nag kan kom.

‘n Integrale deel van jou finansiële beplanning is ‘n noodfonds
gelykstaande aan ten minste drie maande se inkomste/salaris.

Hoekom het jy ‘n noodfonds nodig?

Die finansiële nood as gevolg van die Covid-19 pandemie is ‘n
duidelike bevestiging van hoe belangrik ‘n noodfonds is.

Diegene wat ‘n noodfonds in plek gehad het, kon die “moeilike
omstandighede” amper sonder rimpel hanteer. Daarteenoor moes
die wat van die hand na die mond leef, orals rondskarrel om geld
te leen en reëlings te probeer tref om uitgawes te dek.

Waarvoor gebruik jy ‘n noodfonds?

a) Rampe en ellende

Hier is ‘n paar voorbeelde:

1. My huis word in ‘n storm verwoes.
2. Ek raak ernstig siek, en bly weke in die hospitaal.
3. Ek skryf my motor in ‘n ongeluk af.
4. ‘n Pandemie tref die wêreld – onmoontlik om te voorsien!

Die meeste van ons het versekering en mediese fondse om al
hierdie rampe en ellende te dek, maar dit vat alles tyd om uit te
betaal en dikwels is die uitbetaling nie voldoende nie.

b) Aftrede

Dit is meestal nie ‘n gladde oorskakeling van ‘n salaris na ‘n
pensioen nie – weereens neem dit tyd, soms tot ses maande!

c) Dood

Begravniskoste en leefgeld moet gedek word, totdat die uitbetalings
gebeur. Boedels neem definitief ses maande en langer om
afgehandel te word.

Wat is ‘n noodfonds NIE.

a) Vakansiegeld

b) Aanvulling tot jou begroting

c) Aankoop van luukse goedere

Waar belê jy jou noodfonds?

Praat met ons by My Makelaars, die hartklop van jou geldsake.

Aangeheg is ‘n voorbeeld van ‘n begroting, in Excel format, sodat jy
dit kan verander totdat dit pasgemaak is vir jou persoonlike
omstandighede.

Onthou – ‘n begroting is die fondasie van jou hele finansiële huis –
moenie op sand bou nie!

Groete tot volgende keer.

Annekie Kern



Annekie Kern

082 530 9229 | annekie@mybrokers.co.za